

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....


Diario

E MATUTINO DI ARUBA

Abonado pa luna 19,00* ehemplar 80 cent aña 1/No.3450

DIALUNA 18 MEI 1992

FIESTA NA APERTURA DI COSTA LINDA



Diasabra anochi tabata e gran dia pa Costa Linda Beach Resort, pa su apertura oficial. Especialmente pa esaki a prepara un fiesta grandi, caminda tabata presente un cantidad di invitados. E hotel aki cu tin un estilo hopi diferente cu otro hotelnan, ta briya tur anochi cu su iluminacion tremendo. Den presencia di Ministro Presidente, y demas Ministronan, como tambe presidente di Sun Development Raymond Maduro, y gerente general Esther Muller, un pareha turista kendenan ta un di e ultimo personanan cu a caba di cumpra camber di e resort, a haya e honor pa corta e cinta pa asina Costa Linda bira oficialmente habri. Pa mas detayes di e fiesta grandi aki, lesa pagina 14 y 15 di edicion di awe.



Costa Linda a habri!

Diasabra atardi na un manera sumamente festivo a tuma lugar apertura oficial di e proyecto di mas nobo di Sun Development, esta Costa Linda Beach Resort. Na e ocasion aki tabata presente masha hopi invitado, y a haci uso di e oportunidad pa haci diferente donacion na instancianan caritativo riba e isla. Ademas a duna reconocimiento tambe na Sr. Brouns, di Charlie's Bar, como cu el a mustra masha perseverancia mes despues di e cierre di refineria di Lago, cu e speranza cu cos lo drecha back. Riba e combinacion di potretnan aki por mira un parti di e invitadonan cu tabata presente na e ocasion festivo aki.

